



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiariam, ac loca quædam vicina

Hund, Wiguleus

Monachii, 1620

Quod Praelatus est summus Capellanus Ducis, & de decima Straubing &
Ellenpach.

urn:nbn:de:hbz:466:1-13591

vel interdicti sint, aut etiam publicè vsurarij, nullus obsistat, salua tamen iustitia illarum Ecclesiarum à quibus mortuorum corpora assumuntur. Decimas verò ad jus Ecclesiarum vestrarum spectantes quæ à laicis detinentur redimendi & legitimè liberandi, de manibus eorum, & ad Ecclesias ad quas pertinent reuocandi, libera sit vobis de nostra auctoritate facultas. Obeunte verò te nunc ejusdem loci Præposito vel tuorum quolibet successorum, nullus ibi qualibet surreptionis astutia præponatur, nisi quem fratres communi consensu, vel fratrum pars majoris & sanioris consilij secundum Deum & beati *Augustini* regulam prouiderint eligendum. Paci quoque & tranquillitati vestræ paternè in posterum sollicitudine prouidere volentes, auctoritate apostolica prohibemus, vt infra chlausuras locorum seu grangiarum nullus rapinam vel furtum facere, ignem apponere, sanguinem fundere, hominem temerè capere vel interficere, seu violentiam audeat exercere. Præterea omnes libertates & immunitates à prædecessoribus nostris Romanis Pontificibus Ecclesiæ vestræ concessas, nec non libertates & exemptiones secularium exactionum à Regibus & Principibus, vel aliis fidelibus rationabiliter vobis indultas, auctoritate apostolica confirmamus & præsentis scripti priuilegio communimus. Decreuimus verò vt nulli liceat omninò hominum præfatam Ecclesiam temerè perturbare, aut eius possessiones auferre, aut ablatas retinere, minuere, vel quibuslibet vexationibus fatigare, sed omnia integra conseruentur eorum pro quorum gubernatione ac sustentatione concessa sunt vsibus omnimodis profutura, salua sedis apostolicæ auctoritate & Diocesanæ Episcopi Canonica iustitia. Si quæ igitur in futurum ecclesiastica secularisue persona hanc nostræ constitutionis paginam sciens contra eam temere venire temptauerit, secundo tertioue commonitus, nisi reatum suum congrua satisfactione correxerit, potestatis honorisque sui careat dignitate, reamque se diuino officio existere de perpetrata iniquitate cognoscat, & à sacratissimo corpore & sanguine Domini nostri Iesu Christi aliena fiat, atque in extremo examine districtè subiaceat ultioni. Cunctis autem eidem loco sua iura seruantibus sit pax Domini nostri Iesu Christi, quatenus hic & fructum bonæ actionis & apud districtum iudicem præmia æternæ pacis inueniant Amen. Dat. *Lat.* Kln. April. Indictione II. Anno Domini M. CCC. XXX. Pont. Domini *Greg.* P. P. anno IV.

Quod Prælati est summus Capellanus Ducis, & de decima *Straubing & Ellenpach.*

In nomine Patris & Filij & Spiritus sancti. *Otto* Dei gratia Palatinus Comes *Reini* & Dux *Bavvaria*. Vniuersis præsentem paginam inspecturis salutem. Sicut vinculo naturali filius heres pro debito patris intelligitur esse obligatus, ita videtur pater soluere si filius pro eo fecerit solutionem. Hinc est quod nos vniuersitati vestræ patere volumus & constare, quod respectu æternæ mercedis, & pro eo quod Dominus *Heinr.* sanctæ *Margar.* in *Osterbouen* Præpositus nostro patri suis in necessitatibus cum personæ periculo & dispendio rerum seruitia multiplicia exhibuit fideliter & deuotè prædictam Ecclesiam ea prærogatiua volumus perpetuo gaudere & honore, vt vbiunque locorum fuerimus, qui pro tempore in eadem Ecclesia Præpositus fuerit, omnium Prælatorum, Capellanonum, & Clericorum ipse primus existat & major, & in præsentia nostra faciat alij, qui fretus sua auctoritate impleat, quod ei ab ipso fuerit ordinatum & iunctum. Præterea volumus vt tempore nostræ refectionis propter præsentiam aliquorum Prælatorum cuiuscunque professionis fuerint locum quem ei assignamus

assignamus in latere nostro non alterando transmutet, & utensilia Capellaniæ nostræ conferuet, vel faciat Camerarium nostrum subiecto nundero conseruare, & distributio elemosinarum nostrarum iuxta discretionem prædicti Prælati fiat & ordinetur: sed qui nobilitas illam legem sibi præfixit, quod nihil credit præstitisse si sine adiectione conferat & fecerit donationem. Vnde nos liberaliter præfatæ Ecclesiæ donamus decimationem omnium reddituum nostrorum in *Strubing*, secundum quod continet Patris nostri instrumentum, super eadem donatione confectum. Et volumus vt vbicunque locorum in figura iudicij fuerimus ipse causam Ecclesiæ suæ prior prosequatur & proponat, & à nobis ante omnes expediatur, & quando contingeret ipsum curiam nostram intrare sibi & quatuor euectionibus honestè de expensis nostris prouideatur. Et vti ista rata permaneant & inconuulsa præsentem paginam munimine sigilli nostri roboramus. Testes Comes *Heinr. de Mospurch*, Comes *Otto de Grunepack*, *Chun. de Geren*, *Chunr. de Hobenuels*. *Sifridus de Fraunsperch*, *Chunr.* notarius noster de *Heidelberch*, & alij quam plures. Acta sunt hæc *Lantzbut*, Anno gratiæ M. CC. XXXI. IV. Kln. Nouembris.

De Curia *Entavv*.

Albertus Comes de *Pogen*, vniuersis Christi fidelibus salutem. Vniuersitati vestræ constare volumus & patere, quod Ecclesia S. *Margaretæ* in *Ostehouen*, Marschalco nostro nomine *Gebhardo* Curiam suam in *Paskning* pro tempore cant. vitæ suæ custodiendam locauit, quatenus ipsi Ecclesiæ secundum euentum fructuum annuatim tanquam colonus Domino suo exinde respondeat, & quando jam dictæ Ecclesiæ placeat ipsum factum possit mutare, & Curiam ad se reuocare, non obstante contradictione eiusdem Marschalci, vel ejus hæredum. Præterea volumus vos scire quod jam sæpe dicta Ecclesia *Marquardo* dispensatori nostro Curiam suam *Entavv*, ad idem jus vel onus locauit. Et vt prædictis fratribus ejusdem Ecclesiæ jus ipsorum saluum permaneat & inconuulsum, & ne aliquomodo possit de præscripto facto in posterum dubitari, præsentem chartam munimine sigilli nostri roboramus. Testes *Alramus de Chamb*, *Rudolfus Ranto*. *Albertus de Erlbach*, *Vlricus de Leuvvolfing*, *Heinricus de Achaltingen*, *Engeschalcus de Saehsing*, *Eberhardus*, *Vlricus* & *Rudolfus* Sacerdotes prædictæ Ecclesiæ. Acta sunt hæc *Naternberch* Kln. Iulij, Anno Dn. M. CC. XXXIII.

De Muta in *Vilshouen* à Dominis de *Ortenburch*.

Hei gratia Comes de *Ortenburch*. Notum fieri cupimus tam futuris quam præsentibus, quod nos pro spe & incolumitate salutis nostræ fratribus sanctæ *Margaretæ* de *Ostehouen* indulgimus vt ab omni muta & theloneo tam in aquis quam in terra liberi sint apud *Vilshouen* ciuitatem nostram sub hac forma, vt quidquid de bonis & rebus ejusdem specialiter transeat, nihil ex his nobis aut iudici nostro vel theloneario vel cuiquam nostrorum penitus persoluantur. Præfens igitur scriptum roboratum sigilli nostri munimine ipsis conferimus, vt hoc factum nostrum nunquam possit aliqua delere obliuio aut processu temporis à quoquam valeat immutari. Testes *Weigandus de Kümtingen*, *Heinr. de Pomgarten* nobiles. *Ortvinius de Cholberch*, *Richgerus de Rotone*, *Otto de Sturpsach*, *Sygelochus*, *Chalobohus*, *Marquard* fratres *Sakkingij*. *Syboto de Zvüglarn*, *Heinr. longus*, *Heinr. perditor*. & alij quam plures. Acta sunt hæc anno M. CC. XXXVI. Indictione IX. Datum *Vilshou*, XV. Kln. Maij.

Metrop. Salsb. Tom. III.

c

Fundatio